

Spirit of Bosnia / Duh Bosne

An International, Interdisciplinary, Bilingual, Online Journal
Međunarodni, interdisciplinarni, dvojezični, online časopis

Otkrića

Milorad Pejić

Novine čitam dok su još hladne, tek donešene spolja, sa minus dvadeset sedam. Od jutrošnjih listova pamtim samo jedan samohran članak: među reklame i božićne čestitke, kao recept za brzi kolač, utrpan spisak naučnih dostignuća 2003. Pronadjeno je staklo koje prelama svjetlost pod negativnim uglom.

Sretni su oni kojih se ovo ne tiče, čija tijela uvijek nalaze put natrag, iz svakog zrcala. Supruga direktora kompanije za kupoprodaju nekretnina spušta češalj i zadiže malo grudi prije nego krene na svečanu večeru bridžkluba.

Samo su četiri procenta Svemira u kojem stanuješ normalna materija: zvijezde, brda i automobili. Sve je ostalo crna masa i mračna energija. Miran je onaj koji ne zna. Taksista što prodaje minute čekajući suprugu direktora kompanije za kupoprodaju nekretnina. Njegov život u 13 milijardi godina starom Univerzumu nije ni jedan jedini treptaj. Nije ništa.

© 2009 by Milorad Pejić

The preceding text is copyright of the author and/or translator and is licensed under a Creative Commons Attribution-NonCommercial-NoDerivs 3.0 Unported License.